



Sajam francuskih univerziteta

30.oktobar 2017.

Zainteresirani ste za studiranje u Francuskoj?

Campus France BiH, Ambasada Francuske i Francuski institut u BiH, u partnerstvu sa Ekonomskim fakultetom Univerziteta u Sarajevu, pozivaju Vas na 4. ***Sajam francuskih univerziteta*** koji Vam pruža priliku da upoznate brojne francuske univerzitete, načine i uslove upisa na visokoškolske ustanove, studiranje na francuskom i engleskom jeziku u svim oblastima i mogućnosti finansiranja.

Posjetite štandove učesnika (Sciences Po Paris, Univerzitet Poitiers, Univerzitet Artois, Državni institut za primijenjene nauke Rouen, Univerzitet Lyon 1, Tehnološki fakultet Compiègne, Univerzitetska Agencija Frankofonije, Visoka škola za nastavu i obrazovanje Univerziteta u Bordeauxu, CESI - Visoka inženjerska škola, MGEL - studentsko osiguranje, Campus France BiH i Francuski institut u Bosni i Hercegovini) i upoznajte se sa bogatom ponudom studijskih programa u različitim oblastima na francuskom ili engleskom jeziku.

Tokom Sajamskog dana ujedno će biti otvoren konkurs za stipendije Vlade Francuske za akademsku 2018/2019. godinu na koji se mogu prijaviti studenti sa svih univerziteta u BiH. Sve informacije o stipendijama za master 2 i doktorat možete dobiti na štandu Campus France BiH.

Sajam će se održati u **ponedjeljak, 30. oktobar** tekuće godine od **10:00 do 15:00** sati u **auli Ekonomskog fakulteta Univerziteta u Sarajevu**.

Očekujemo Vas!